


備荒章程

附禁約數則
河東道署刊發



欽命二品銜山西分守河東兵備鹽法道陳

刊發規條事照得積儲者天下之大本也晉省山多水少土薄民貧私家既鮮蓋藏公社又無積蓄一遇災歉專待官賑非特緩不濟急亦屬杯水車薪丁戊大祲可為殷鑒昨蒙

巡撫部院恩剴切示諭民間令將興利除弊之事各抒所見赴轅稟陳凡我紳民應即感發奮興以期仰副

撫憲殷殷屬望之心現經本道將備荒救荒各事參酌地方情形擇簡便易行者擬就章程十條但能行之以漸持之以恆不數年零散成總野多盈餘雖有荒年不啻如日月之食焉而何患哉後附各條多係民間敝俗亟應一併勸禁為此仰閭屬紳民人等務各遵章切實籌辦毋畏難苟安毋因循粉飾凜遵切切

計開

甲廣種植以振農業也。晉省地多砂磧，咸謂不宜栽種。大半棄而蕪之，第不知土性各有所宜，不宜於此，即宜於彼。苟能考其地質，究其土性，何土與何物相宜，廣為試種，以闢利源。英國挪拂一郡，昔為荒地，嗣察其土宜，廣種蘿菔，民人以之牧羊，而獲厚利。撒里司白里平原之地，土甚磽薄，自古不毛，隨後肥以鳥糞，而百穀滋生，由是推之，天下無可棄之土也。應責令各農民於曠野荒

二

郊隴畔屋角，以及砂磧不堪種植之地，多植榆柳桃杏梨棗瓜菓等類，以收自然之利。人但知種樹僅供賞玩，而不知林木森盛，澤氣上通，可以致霖雨，且各項草木無一不能佐食用。嘗攷救荒本草內載草木菓蔬計四百十四種，或烹煮而食，或調和而食，條分縷晰，倍極詳明，誠備荒之善策也。

乙抽煙稅以救窮黎也。從來各省偏災，皆賴隣疆捐助，

無如近年以來、南北之沈災未淡、東西之饑饉又臻、勸捐而至今日、幾如強弩之末矣、且轉運往還、動經逾月、迨賑欸解到、則遍野哀鴻、已有不可收拾之象、丁戊大祲、可為明證、必籌一有備無患之策、方無緩不濟急之憂、茲查晉省人民、幾至無人不吸水旱鴉片煙、一村以千人計之、每吸水旱煙者、令其歲捐錢百文、吸洋煙者、二百文、統年可得錢一二百千文、以之購穀備荒、

三

實屬盡善盡美、惟此事由官經辦、難免百弊叢生、擬令各村公正紳耆、妥為籌商、訂章懸廟、每至秋後、收捐一次、隨時買穀存儲、各村社倉、至年終將存數造冊報縣存查、隨同徵信告白一紙、開列捐戶姓名、購穀數目、由縣蓋印發還、張貼、如紳耆有侵蝕情弊、准民告發、加倍罰賠、遇有災歉、稟縣酌量散給、以補官賑之不足、不假吏役之手、毫無抑勒之弊、萬民自然

樂從

丙捐糜費以供有用也。春祈秋報自古有之。無如晉省演戲賽會，往往任意花費，多則千餘串，少亦數百吊，以有用之財為無益之舉，甚可惜也。又晉省山多地少，即盡種五穀，尚慮不敷食用。現將膏腴之地播種鴉片，以養人之田，種毒人之物，更可恨也。此時驟議禁止，勢所難能計。不如就此抽款，擬令各村公正紳耆籌定，每戲一臺，另捐錢數千，或數十千。每煙地一畝，另抽錢數十文，或百餘文，統買穀存倉，以備荒歉，以征為禁，化無用為有用也。

丁整土貨以裕財源也。天下之大，何地無出產，何地無土貨。第商民不知講求，以致萬物皆成棄材。即就省南各處而論，如運城之黃酒，蒲州之竹器，曲沃之烟葉，候馬之毡毯，從前皆四遠馳名。近因製造不精，銷路日形減色。

此後各商民應將已銷之貨精益求精未銷之貨廣為試售麥草最不值錢之物到處皆有以之做成帽辦工省而價貴銷路亦甚廣又易學習一見便能做作婦女學此最相宜潞安府屬之潞城縣等處以此項為出產之大宗何不調驗做做使無用之草變有用之物外有來源地方自然充裕雖有凶年可免困乏之虞戍獎捐戶以昭激勸也十室之邑必有忠信人之好善誰

五

不如我閭縣多數紳民豈乏樂善好施之人此後如有自願捐穀至百石以上者由縣獎給匾額二百石以上者由府給匾三百石以上者由道給匾四百石以上者由司給匾五百石以上者詳請院憲給匾以示獎勵

己濟貧民以陳易新也穀石年年捐購勢必愈積愈多陳陳相因朽腐堪虞所以古來有出陳易新之一法

也。每屆青黃不接，窮黎買食維艱之際，由村衆會同公議，查明乏食戶數，稟官酌量借給三四成，秋後征還，不全數出借，以防荒年，不另加息穀，以示體卹。若出借之後，適值歉收，即由官察看情形，分別蠲緩，至捐存穀石，須妥慎收儲，免致被人偷食。第村莊大小，貧富不等，責令一律修建倉廩，誠恐力有未逮，應將社廟空房，略加修葺，上開天窗，下鋪木板，以備隨時收存。如無社廟者，

六

另賃妥屋，或令富戶經營。若併妥屋，富戶而無之，寄存隣近大村，亦無不可。全在各村民因地制宜，量為變通也。

庚禁溺女，以召祥和也。好生惡死，人情之常。訪聞蒲解各屬，無論貧富，每因生育稍多，呱呱墮地，即行淹斃。試問爾身從何而來，世間無女，安能育男？如果生即殺之，豈非人類日見消滅，彼來投生，爾反處死，忍心害理，莫此為甚。古時殺一冤女，三年不雨，載在史冊，盡

人皆知晉省常患亢旱，未始非溺女太多，以故怨氣鬱結，澤氣不能下降。本年二月間蒙

調任巡撫部院張刊發告示條規，剴切勸諭，並令籌設育嬰會在案。茲查定例，故殺子孫杖六十，徒一年。此後再有溺女者，定即照例科罪。公直鄉約族長鄰佑，當時既不勸阻，事後又不報官者，一併重懲。如有善士捐資創設育嬰會，藉得保全民命，定即從優給獎，以示鼓勵。

七

辛懲游惰以勤職業也。男耕女織，古有明訓。晉省男子吸鴉片烟者，可稱環球第一。婦女有烟癮者，亦居十分之六七。形容憔悴，日事游嬉，不知耕織為何事。天下豈有不耕而食不織而衣，毋怪乎一遇荒歉，便有束手待斃之勢。且鴉片之物，最易耗人精液，嗜此者既難生育，又難長壽。何以人人知為斷宗折壽之毒物，仍津津樂此而不倦。現今吸烟者歲捐錢二百文，以備救荒。原是以

徵為禁之意，自此次定章以後，再有上癮者，每人每歲須捐錢一千文。嗣後務各立志戒除，不吸者萬勿再入迷途。並由各紳耆廣為勸勉，明白演說，務使男勤於耕，女勤於織，互相競爭，以惰為恥。將見國無游民，野無曠土。雖有荒歉，各能自食其力，可無凍餒之憂矣。

壬頌職事以工代賑也。荒年民無職業，老弱填乎溝壑，壯者流離四方。趁此時舉凡上以益

國下以利民之事，次第舉行，則上之所費不虛，下亦相安樂業。即前人以工代賑之意也。但以工代賑，第謂修橋梁，補城垣，猶非萬全之策。為今之計，首在頌職事於婦女。蓋婦女得食，則男子便易圖矣。其法當以棉線柳條等物發給婦女，使之製成棉帶柳筐，送社廟易以倉穀。須妥定章程，凡繳尺帶一筐者，給穀若干。甯多毋少。將來帶筐出售得錢，仍購穀存儲。其次則興

工作以養男丁、目今工作之急、莫急於水利、由村衆公
同度量地勢、開挖水渠水溝、按人授食費公款而開公
渠、此後農田皆得灌溉、可永免旱患矣、

癸養貧民以防盜賊也、凡遇災歉之年、貧民飢寒交迫、
強者流為盜賊、逼之使然、非甘心為盜也、從前川東
大饑、貧民搶掠糧食、各大戶憂之、乃相約雇貧民、
每名日給錢百文、派其在村外巡視、以防盜賊、隨

九

後村村如是、竟無掠食之貧民、各富戶賴以保全、此後
凡遇荒歉、宜效法仿行、貧民得食、自然不萌異志、富
者畧花小費、保全甚大、貧富相安、可無顛沛流離之
苦矣、

以上各事簡便易行、無論大小村莊、均能辦到、務各
實力奉行、以期有備無患、蓋救荒於臨時、則已噬
臍、莫及究、不若圖置於豐備之於平日之為妙也、

此外尚有亟應勸禁各事特附列於後勿視為常談而忽之

一、螻蟻尚且貪生為人豈不惜命無知愚民每因細故動輒輕生以謂畢我一命便可害他全家詎不知自盡致死律例并無抵法藉屍圖詐屍親罪應杖徒死者既遭檢驗生者又受刑罰害人適以自害何苦出此下策此後如有冤枉即行告官聽候審斷萬勿輕生

自殺

一、光棍無賴粉演秧歌村詞艷曲窮形盡相多係男女苟合之事開少年之情竇敗正士之清操甚至貞女喪貞節婦失節敗壞風俗所關不小應由各村議立社規永遠禁止不准演唱至大戲中之水滸封神西遊等戲以殺人為好漢以邪術為法力本係烏有之事愚民無知以為實事真情最足以移人心志亦須一併嚴禁

一鄉民千辛萬苦，稍積餘貲，以之置買產業，原冀留遺子孫，永為世業。風聞各處絕買田地，多不過割稅契，日久遂因此軼轡爭訟，每至傾家蕩產。此後務於立契之後，即行過割投稅，勿貪小利，致貽大患。

一各處貧民，往往一女數許，貪目前有限之財禮，貽日後無窮之大害。再有一女兩許，准鄉約告發，定即提究。定親之家，亦須查探明確，免致將來興訟拖累。知

情故聘者，一併重懲。

一買賣有夫之婦，例禁甚嚴，各屬鄉間常有貪利賣妻之事。事後或被本族訛索，或被妻家告發，以致纏訟拖累，家破人亡。此事亟應嚴禁，以全名節。再蹈故轍，立提重究。

一賭博最能迷人，今日勝矣，明日冀再勝；明日負矣，後日求一勝，再三再四，一出入將銀錢盡輸入抽頭者之

手財已罄，心益熱，必致產蕩家傾而後已。諺云：凍餒無君子，人至窘迫之際，偷竊詐騙，無所不為。賭近盜，非虛語也。風聞南路各處，竟有男女聚賭，名曰風攪雪。此又近於淫淫，實近於殺。查禁豈可稍緩？此後務各父戒其子，兄戒其弟，夫戒其妻，勿以辛苦錢財，輸於一擲。並由各村公立罰規，懸掛社廟，不准再犯。

一結盟立會，以及各項邪教，均係殺身之事。昔時有一種白

十二

蓮教，剪紙成兵，撒豆成馬，彷彿利害，詎不知邪不勝正。隨後大兵一到，立即剿除。庚子之義和拳，刀槍不入，炮彈不傷，亦可謂神乎？其技矣。曾幾何時，全行殺滅。去年南路之江湖會，匪徒來勾引時，亦必曰：可以保家保身。現在大半正法，為民間所共見。共聞保身乎？殺身乎？不待辨而自知也。此後務各安分守法，務茲稼穡，勿再聽信邪言，自取殺身之禍。

朝廷

一教民平民同是中國百姓

一視同仁從無稍有歧異各教士離鄉背井遠來中土無非勸人為善斷不能藉教而虐民各教民因慕善而入教亦斷不致因教而欺人歷來民教不和之案半係不法之徒從中造言兩面挑唆不知者受其煽惑各存芥蒂遂成不解之仇勢必致兩敗俱傷而後已現蒙

巡撫部院恩恭錄

十三

諭旨出示曉諭在案夫教與民世代同村朝夕相見非親戚即故

舊有情誼無仇怨此後應各除成見共敦和睦教勿欺民民勿仇教各安所素同享太平地方官審理民教涉訟之案尤須格外持平不問其教內教外但論其曲直是非能調和於平日豈不愈於臨時之保護以上備荒救荒並勸禁各條多係公益之事無論教民平民務須和衷共濟一律遵辦本道有厚望焉

河南嵩山堂
國志館藏

